



IRAGARKIA

Alkateak 2025eko apirilaren 4an emandako dekretu baten bitartez Auzo-taxi programarako dirulaguntzak eta horiek aurretik izapidetzeko deialdi publikoa arautzeko oinarriak onartu dira eta honen bidez argitaratzen da:

AUZO-TAXI PROGRAMARAKO DIRULAGUNTZAK ETA HORIEK AURRETIK IZAPIDETZEKO DEIALDI PUBLIKOA ARAUTZEKO OINARRIAK

ZIOEN AZALPENA

Bergarako Udalak 2025eko urtarrilaren 27an egindako bileran onartu zuen Bergarako udaleko diru-laguntzan plan estrategikoa 2025-2027. Bertan lerro estrategiko desberdinak jasotzen dira eta tartean honako hau:

7. lerro estrategikoa: Auzoak, Landa-garapena, Ingurumena eta Iraunkortasuna.

Lerro horretako 3. ekintza da landa auzoetako bizilagunen mobilitaterako laguntza.

Bestalde, bertan aurreikusten da dirulaguntza hauek urtero emango direla plana indarrean dagoen bitartean eta dirulaguntza emateko deialdi irekia egingo dela eta helburu horrekin prestatu dira oinarri hauek.

1. artikulua. Dirulaguntzaren xedea

Oinarri hauen xedea da garraio publikoko zerbitzu erregularra erabiltzerik ez duten landa-auzoetako biztanleei udalerrri barruan bidaiatzeko taxia erabiltzeagatik dirulaguntzen emakida arautzea 2025ean.

2. artikulua. Aurrekontu-kreditua eta dirulaguntzaren zenbatekoa

Diru-laguntza hauek onartzeko dagoen kreditu erabilgarria 15.000,00 eurokoa da. Gastu hau 2025eko ekitaldiko aurrekontuko 1.2700.480.441.20.01 partidatik ordainduko da.

Diru-laguntza hauetarako diru-izendapena epe-muga iritsi baino lehen bukatuko balitz, agortutako unean bertan udaleko web orrian eta udal iragarki taulan argitaratutako iragarkiaren bitartez horren berri emango da eta programa bukatutzat eman eta ez da diru-laguntza gehiago emango.

3. artikulua. Onuradunak

Eskaera egin dezakete eta onuradun izan daitezke jarraian zehazten diren baldintzak eskaera aurkeztzen duten egunean betetzen dituzten pertsona fisikoak.

- a) Bergaran erroldatuta egotea l. eranskinean agertzen diren auzo batean.
- b) 18 urtetik gora izatea, edo 12-18 urte bitartekoa izanda gurasoen edo tutoreen baimena izatea.
- c) 38/2003 Legeak (Dirulaguntzen Lege Orokorrak) 13. artikuluan aurreikusten dituen debekuetako batean ere sartuta ez egotea.



- d) Zerga-betebeharra eta Gizarte Segurantzarekikoak egunean izatea.
- e) Bergarako Udalarekin inongo motatako zorrik ez izatea eta betebehar fiskaletan, zergatan eta, zergaz aparte, tasetan eta prezio publikoen ordainetan egunean egotea. Bergarako Udalak ofizioz egiaztatuko du elkartearen Bergarako Udalarekin egunean dagoela.

4. artikulua. Eskaerak eta aurkeztu beharreko dokumentazioa

4.1.- Eskabide-orriak aurkezteko epea deialdia Gipuzkoako Aldizkari Ofizialean argitaratzen den egunaren biharamunean zabalduko da, eta irekita egongo da partidan dagoen dirua agortu arte eta gehienez ere 2025eko abenduaren 31ra arte. Dirulaguntza agortzen bada, horren berri emango da web-orrian, dirulaguntzen atalean, iragarki bat argitaratuz.

Eskaera Bergarako Udaleko Erregistro Orokorrean aurkeztu beharko da edo, bestela, urriaren 1eko 39/2015 Legearen 16.4 artikulua aurreikusten dituen gainerako bideen bitartez.

4.2.- Eskabide-orria eskatzaileak edo ordezkariak behar den moduan beteta eta sinatuta aurkeztuko da, artikulua honetako hurrengo puntuan aipatzen den dokumentazioarekin.

Horri dagokionez, jakinarazten da Administrazio Publikoen Administrazio Prozedura Erkidearen 39/2015 Legearen 28. artikuluan ezarritakoaren arabera, interesdunek eskubidea dutela dokumenturik ez aurkezteko honako egoera hauetakoren bat gertatzen denean:

- a) Dagoeneko korporazioaren esku egotea; kasu horretan, ofizioz sartu ahal izango dira, baldin eta eskatzaileak eskabidean honako alderdi hauek adierazten baditu, eta emakida-prozeduraren instrukzioaz arduratzen den organoak egiaztatu beharko ditu:
 - 1) Zein egunetan eta zein organo edo bulegotan aurkeztu edo, hala badagokio, eman ziren.
 - 2) Aurkezpena eragin zuen prozeduraren izendapena. Diru-laguntzen deialdia denean, argitalpenaren epigrafea eta urtea zehaztuko dira.

Administrazioaren esku dauden datu eta dokumentuek indarraldia galduko dute, bai baliozkoak ziren aldia amaitu delako, bai prozeduran aurkeztu zirenetik bost urte baino gehiago igaro direlako. Nolanahi ere, udalak interesdunari berriro aurkezteko eskatu ahal izango dio, ebazteko beharrezkoa den edozein alderdi behar bezala egiaztatu gabe gelditu bada.

- b) Beste edozein administrazio eginak izatea. Kasu horretan, Bergarako Udaleko sail eskudunak zuzenean kontsultatu edo eskatu ahal izango ditu oinarri hauetan ezarritako baldintzak betetzen direla egiaztatze behar dituen datuak eta/edo dokumentuak, salbu eta interesdunak horren aurka egiten badu arrazoiak emanez.

Interesdunak era arrazoituan bere datuak kontsultatzearen aurka egiten badu, dirulaguntza izapidetu ahal izateko behar den dokumentazio guztia aurkeztu beharko du.

Hala ere, dokumentua eskuratzea materialki ezinezkoa den kasuetan, eskatzaileari eskatu ahal izango zaio dokumentua aurkezteko, edo, bestela, dokumentu horren bidez egiaztatutako betekizunak beste bide batzuen bidez egiaztatze.

4.3.- Eskaera egiteko F0098B inprimakia erabiliko da eta eskaerarekin batera honako agiri hauek aurkeztu beharko dira:

- a) Eskatzailearen NANA, edo AIZa edo pasaporte.
- b) Eskaera beste pertsona baten izenean egiten bada F0136 inprimakia ere aurkeztu beharko da, behar bezala beteta, inprimakian bertan aipatzen diren dokumentuekin batera.



c) Adin txikiko batentzat eskatuko balitz, Familia Liburuaren fotokopia ere aurkeztu beharko da.

Udalak ofizioz egiaztatuko du erroldatze-baldintza betetzen dela eta Bergarako Udalarekiko ordainketak egunean dituela.

Baldintzak edo betebeharrak betetzen direla egiaztatzeko, Bergarako Udalak honako kontsulta hauek egingo dizkie beste administrazio batzuei:

- Foru Ogasunak:
 - Zerga-betebeharrak egunean izatea.
- Gizarte Segurantzaren Diruzaintza Orokorra (GSDO):
 - GSDOrekiko obligazioen ordainketan egunean egotea

Interesdunak era arrazoituan bere datuak kontsultatzearen aurka egiten badu, dirulaguntza izapidetu ahal izateko behar den dokumentazio guztia aurkeztu beharko du. Hala badagokio, honako dokumentu hauek aurkeztu beharko dira:

- Dagokion Foru Ogasunaren ziurtagiria, zerga-betebeharrak egunean dituela egiaztatzen duena.
- Gizarte Segurantzarekiko betebeharrak egunean dituela egiaztatzen duten Gizarte Segurantzaren ziurtagiriak.

Goian adierazitako inprimakiak interesdunen eskura egongo dira Bergararren Arreta Zerbitzuan eta Udalaren webgunean. <https://www.bergara.eus/tramiteak>.

4.4.- Aurkeztutako eskabide-orrian edo dokumentazioan zerbait falta bada edo zuzendu daitekeen akatsen bat badago, Hirigintza Departamentuak jakinarazpen bat bidaliko dio eskatzaileari 10 (hamar) egun baliodun eman ez falta diren agiriak aurkezteko edo akatsak zuzentzeko. Eta jakinaraziko zaio okerrak zuzendu ezean eskaera atzera egindakotzat joko dela.

Eskaerak aztertzerakoan edo geroago edozein momentutan, udalak interesdunari eskatu ahal izango dio 4.3 atalean aurreikusi ez den dokumentazio osagarria aurkeztea, ikusteko bidezkoa den dirulaguntza onartzea, mantentzea edo ukatzea.

4.5.- Eskaera egitean, eskatzaileak oinarri hauek eta deialdi hau baldintza barik onartzen ditu.

4.6.- Aurreko urtetik eskaera aurkeztuta izan eta onartuta zutenek ez dute dirulaguntza eskaera berririk egin beharko. Udalak ofizioz baieztatuko du dirulaguntza jasotzeko baldintzak betetzen jarraitzen dutela. Baldintzak betetzen jarraitzen badute, diruz lagunduko zaie 2025eko urtarrilaren 1etik egindako bidaiak.

5. artikulua. Diruz lagunduko den xedea

Diruz lagunduko dira honako baldintza hauek betetzen dituzten bidaiak:

— Udalerrri barruan egindako bidaiak (beraien etxebizitzatik erdigunera -kaskora-, beste landa-auzo batera edo —soilik Angiozarkoen kasuan— Elgetako anbulatorioaren ordutegian Elgetara; eta baita alderantzizko norabidean ere).

— Bidaia horiek Bergarako taxi-lizentzia izan eta Bergarako Udalarekin programa honetarako hitzarmena sinatu duten taxilariekin egitea.



Horretarako, dirulaguntzaren eskubidea onartzen denean emango den txartel identifikagarrian deia egiteko edota whatsapp-a bidaltzeko telefono-zenbakia jasoko da.

— Bidaiak egitea deialdia argitaratzen den hurrengo egunetik hasi eta gehienez ere 2025eko abenduaren 31ra arteko epean, ez baldin bada aurrez agortu dirulaguntza hauetarako aurreikusita zegoen dirua.

— Egindako ibilbideak hauek izatea: I. eranskinean jasotako auzo bateko etxebizitza batetik erdigunera –kaskora–, beste landa-auzo batera edo –Angiozarkoek soilik– Elgetako anbulatorioko ordutegian Elgetara, edota alderantzizko norabidean.

— Bidaiak honako egun eta orduen barruan egitea (abuztuan izan ezik):

- Astelehenetik ostiralera: 7:30 – 20:30.
- Larunbatetan: 09:00 – 20:30.
- Igande eta jaiegunetan egindako bidaiak ez dira diruz lagunduko, ezta abuztuan egindako bidaiak ere.

6. artikulua. Dirulaguntzen zenbatekoa

6.1 Dirulaguntza. Erabiltzaileak egiten duen ibilbidea 10 km baino gutxiagokoa bada astelehenetik ostiralera 13 eurokoa eta larunbatean 13,5 eurokoa izango da dirulaguntza. Bestalde egiten den ibilbidea edo bidaia 10 km baino luzeagoa bada astelehenetik ostiralera 16 eurokoa izango da bidaiako; baina larunbat goizetan egiten bada bidaia, 16.5 eurokoa izango da dirulaguntza. Beraz, erabiltzaileak 3,5 euro ordainduko beharko dizkio taxilariari.

6.2. Joan-etorria egiten denean, joan eta etorri bakoitza bidaia bat izango da.

6.3. Artikulu honetan aurreikusitakoaren barruan, onuradunei dagokien dirulaguntzaren zenbatekoa, betiere, diru-izendapenari baldintzatuta geratuko da.

7. artikulua. Instrukzioa eta erabakia

7.1.- Hirigintza Departamentuak konprobatuko du ea eskatutako dokumentazio dena ekarri duen eta laguntza eskuratzeko baldintzak betetzen dituen.

Hori eginda, baldintzak betetzen baditu, auzo-taxi txartela prestatuko du eta eskatzaileari emango dio, eta, laguntza izateko eskubidea duela egiaztatzeko, pertsona horren datuak eskubidea duten pertsonen zerrendan sartuko ditu.

Oinarri hauetan jasotako baldintzak ez baditu betetzen, ordea, dagokion erabaki-proposamena egingo dio Hirigintza batzordeari.

Hirigintza batzordeari dagokio dirulaguntza hauen kontrola. Beraz, Hirigintza Departamentuak emandako txartelen berri emango dio batzordeari, bai eta eskaera egin duen pertsonari dirulaguntzarik ez badagokio, horren gaineko erabaki-proposamena ere egingo dio.

Txartel hori taxi-gidariari derrigorrean erakutsi beharko dio egindako bidaiaren ibilbidearen dirulaguntza jaso ahal izateko.

7.2.- Auzo-taxiaren txartela pertsonala eta besterenezina da, titularrak baino ezingo du erabili. Behar moduan ez erabiltzea dirulaguntza baliogabetzeko arrazoia izango da.

7.3.- Prozeduraren gaineko erabakia hartzeko eta jakinarazpena egiteko epea gehienez ere bi hilabetekoa izango da. Gehienezko epe hori igaro bada erabakiaren gaineko bidezko



jakinarazpenik gabe edo txartelik eman gabe, interesdunek ulertu ahal izango dute eskaera atzera bota dela administrazioaren isil bidez.

Hartutako erabakiak administrazio-bideari amaiera emango dio, eta erabakiaren kontra udaleko alkatearen aurrean berraztertzeke errekurtsioa tartekatzeko aukera egongo da, edo baita zuzenean administrazioarekiko auzi-errekurtsioa tartekatzeko Donostiako Administrazioarekiko auzien epaitegian. Guzti hori, urriaren 1eko 39/2015 Legearen 40. artikulua eta hurrengoek jasotakoaren arabera, eta administrazioarekiko auzien jurisdikzioa arautzen duen 29/1998 Legearen arabera.

7.4.- Adingabeak (12-18) bakarrik bidaiatu ahal izateko, txartel pertsonala izan behar dute eta guraso edo tutoreek horretarako baimena eman beharko dute. Guraso edo tutoreek baimendutako adingabeak euren gurasoen edo tutoreen erantzukizunpean bidaiatuko dute ondorio guztiekin.

8. artikulua. Dirulaguntzaren kudeaketa

8.1.- Dirulaguntza kudeatuko da hitzarmena sinatu duten taxi-gidarien lankidetzarekin, honetarako Bergarako Udalarekin sinatutako hitzarmenaren arabera, eta oinarri hauetan jasotako berezitasunei kalterik eragin gabe.

8.2.- Auzo-taxiaren txartela eskuratu ondoren, bidaia egiteko interesa duen pertsonak hiru (3) ordu lehenago deitu beharko du edo whatsapp-a bidali beharko du txartelean jasoko den telefonora.

8.3.- Bidaia hasi aurretik, taxilariak egiaztatu egin beharko du erabiltzaileak eta honek eskatutako zerbitzuak auzo-taxi programaren dirulaguntzak jasotzeko baldintzak betetzen dituela, eta horretarako honako pauso hauek eman beharko ditu (erabiltzaileak bete beharko dituenak dirulaguntza jaso ahal izateko):

— AUZO-TAXI TXARTELA:

Erabiltzaileari auzo-taxi txartela eskatuko dio, eta indarrean dagoela egiaztatu beharko du.

— NORTASUNA EGIAZTATZEA:

Egiaztatu beharko du zerbitzua eskatu duen pertsona auzo-taxi txartelak esaten duen bera dela.

— IBILBIDEA:

Egiaztatuko du erabiltzaileak eskatutako ibilbidea hiri-eremuan eta auzo-taxi programan aurreikusitako eremuaren barruan dagoela.

Zehaztutako jardun guztiak egin ondoren, taxilariak egindako ibilbide bakoitzeko formulario bat bete beharko du, taxi-gidariak eta erabiltzaileak sinatuko dutena (hiru ale).

8.4.- Erabiltzaileak bidaia amaitutakoan hiru euro eta 50 zentimo (3,50 euro) ordainduko dizkio taxi-gidariari. Ondoren taxilariak aurreko puntuan aipatutako formularioaren ale bat eta faktura emango dizkio erabiltzaileari. Programa honen barruan emandako zerbitzuagatik ibilbidea edo bidaia 10 km baino gutxiagokoa bada faktura hori gehienez 16,5 eurokoa izango da astelehenetik ostiralera eta 17 eurokoa larunbatetan (BEZ barne). Ibilbidea edo bidaia 10 km baino luzeagoa bada berriz, faktura hori gehienez 19,5 eurokoa izango da astelehenetik ostiralera eta 20 eurokoa larunbatetan (BEZ barne).

8.5.- Taxilaria bidaia bakoitzean auzotar bat baino gehiago jasotzen ahaleginduko da, efizientzia eta jasangarritasuna bermatzeko.

9. artikulua. Dirulaguntzaren ordainketa

9.1.- Onuradunentzat dirulaguntza dena taxilariari ordainduko zaio zuzenean endosatario gisa. Edozein kasutan, taxi-gidariei egingo zaizkien konturako ordainketak erabiltzailearentzat onartutako eta ordaindutako dirulaguntzak direla ulertuko da.

9.2- Udalak, bere datuetan oinarrituta, aldiro, onuradunei auzo-taxi programaren barruan beraien izenean kontabilizatu diren bidaien eta zenbatekoen gaineko datuen informazioa bidaliko die. Informazio honen helburua da onuradun guztiei egindako bidaien eta dirulaguntzaren gaineko jarraipena eta kontrola ahalbidetzea.

10. artikulua. Dirulaguntzaren zuriketa

Dirulaguntza zurituko da hitzarmena sinatu duten taxilarien bitartez. Horretarako, taxilariak zerbitzuaren formularioak aurkeztu beharko dituzte, zerbitzuaren erabiltzaileei emandako fakturen kopiekin batera.

Aurrekoaren kaltetan barik, dirulaguntza justifikatzerakoan zalantza edo intzidentziaren bat sortuko balitz –bai zenbatekoari buruz, bai dirulaguntzarik dagokion ala ez zehazteari buruz–, udalak taxi-gidariari egoera argitzeko dokumentazio osagarria eskatu ahal izango dio.

Berdin jokatu da erabiltzaileari zerbitzua ematerakoan taxilariarekin arazoren bat sortu bada auzo-taxi programa erabili ahal duen ala ez argitzeko eta erabiltzaileak bidaiaren kostu osoa ordaindu behar izan duen kasuetan (kontura ordaindu barik). Kasu honetan, taxilariari eskatu ahal izango zaio udalean aurkeztu dezala dagokion faktura; horrela, udal zerbitzu teknikoek egiazta dezaten dirulaguntzarako baldintzak betetzen dituen ala ez, eta justifika dezaten. Azken kasu honetan, dirulaguntza ordaintzea onartuko balitz, erabiltzaileak erabilitako auzo-taxi zerbitzuaren kostua ordaindu badu, zenbatekoa zuzenean erabiltzaileari ordainduko zaio.

Artikulu honetan eta gainerakoetan jasotakoak ez du inolako eraginik izango auzo-taxi zerbitzua erabiltzeagatik erabiltzaileek faktura eskatzeko duten eskubidean; izan ere, kontsumitzaile eta erabiltzaileei buruzko legeriari eta aplikagarri den gainontzeko legeriari jarraituz, taxi-gidaria behartuta dago faktura ematera.

11. artikulua. Bateragarritasuna beste dirulaguntza batzuekin

Udalak emandako dirulaguntza bateragarria da helburu bera lortzeko jasotako beste edozein dirulaguntzarekin.

Hala ere, dirulaguntzaren zenbatekoa ezin izango da izan –beste dirulaguntza batzuekin batera zein bakarrik– diruz lagunduko den zerbitzuaren kostua baino handiagoa.

12. artikulua. Dirulaguntzaren aldaketa

Dirulaguntza emateko kontuan hartu diren baldintzen aldaketek, eta, edozein kasutan, beste entitate publiko edo pribatu batzuetatik konkurrentzian jasotako laguntzek, emakidaren erabakia aldatzea ekar dezakete.

13. artikulua. Dirulaguntzaren publizitatea (onuradunak)

Emandako dirulaguntza guztien publizitatea egingo du udalak, Dirulaguntzei buruzko azaroaren 17ko 38/2003 Lege Orokorraren 18. artikuluan xedatzen denez.

14. artikulua. Obligazioak ez betetzea. Itzulketa kasuak.

1. Dirulaguntzen 38/2003 Legearen 36. artikuluan xedatutakoez gain, dirulaguntza emateko erabakiaren deuseztasun nahiz deuseztagarritasun kasuetan, bidezkoa izango da jasotako dirua itzularaztea eta berandutza-interesa eskatzea (dirulaguntza edo laguntza ordaindu den unetik aurrerakoa), ondorengo egoeraren bat gertatuz gero:

- a. Jasotako fondoak zertarako erabili diren justifikatzeko obligazioa ez betetzea, edo behar beste ez justifikatzea, ezarritako eran eta epeetan.
- b. Dirulaguntza eskuratu izana horretarako eskatutako baldintzak faltsutuz, edo dirulaguntza jasotzea galaraziko zuketan baldintzak ezkutatzuz.
- c. Dirulaguntza ematerakoan onuradunei ezarritako baldintzak ez betetzea.
- d. Dirulaguntza emateko oinarri den xedea ez betetzea, osoki edo zati batean.
- e. Organo eskudunen kontrol-jarduerari uko egitea edo oztopoak jartzea.
- f. Laguntza edo dirulaguntza bakoitzaren oinarri espezifikoetan xedatutako gainerako kasuetan.

2. Diru-itzulketak udalak zehaztutako epeetan egin ezean, itzuli beharreko kopuruak premiamendu bidez ordainarazi daitezke.

15. artikulua. Dirulaguntza itzuli arazteko prozedura

1. Dirulaguntza eman zuen organoak berak izango du eskumena jaso den zenbateko osoaren edo zati baten itzulketa exijitzeko akordioa hartzeko.

2. Dirulaguntza itzultzeko prozedura ofizioz hasiko da, laguntza edo dirulaguntza ematen duen organoak hala erabakita, hura izapidetzeko ardura duen administrazio-atalak txostena egin eta gero, edo bestela banakoren batek eskatuta edo salatuta.

3. Prozedura izapidetzean, beti bermatuko da interesdunari entzunaldia emateko eskubidea.

4. Emandako dirulaguntza osoa edo horren zati bat ez dela behar bezala erabili egiaztatuz gero, organo eskudunak ebazpen arrazoitua emango du, eta bertan argi adieraziko du zergatik itzuli behar den dirua, zenbat itzuli behar den, nola eta noizko, eta onuradunari ohartaraziko zaio dirua agindutako epean itzuli ezean premiamenduzko bideari ekingo zaiola.

5. Itzultzeko prozedurari arau-hauste administratibo baten ondorioz ekin bazaio, horren berri emango zaio organo eskudunari, dagokion zigor-prozedurari hasiera eman diezaion.

6. Itzultzeko prozedura dirulaguntzaren eskatzaile edo onuradun gisa agertzen diren pertsona fisikoen aurka zuzenduko da.

7. Dirulaguntza gehi dagozkion berandutza-interesak itzultzeko erantzukizun solidarioa edo subsidiarioa erabakitzeke, Dirulaguntzei buruzko 38/2003 Lege Orokorraren 40. artikuluan xedatutakoari jarraituko zaio.

16 artikulua. Bermeak

Ez da beharrezkotzat jotzen emandako laguntzak direla-eta udalaren aldeko bermeak eskatzea.

17. artikulua. Datu pertsonalen tratamendua.



Gipuzkoako Lurralde Historikoko Zergei buruzko martxoaren 8ko 2/2005 Foru Arau Orokorra aplikatuz, Datu Pertsonalak Babesteari eta Eskubide Digitalak Bermatzeari buruzko abenduaren 5eko 3/2018 Legearen Zortzigarren Xedapen Gehigarria aplikatuz eta, oro har, 39/2015 Legearen 28. artikuluan jasotako aurreikuspena aplikatuz, dirulaguntza hauek kudeatzeko ez da beharrezkoa izango interesdunaren baimena, eta Udalak bere eskumenak erabiliz datuen zehaztasuna egiaztatze behar beste egiaztapen egin ahal izango du, bai eta bere esku dauden edo beste edozein administrazio egin dituen dokumentuak kontsultatu eta eskuratu ere.

18. artikulua. Oinarri-arauen interpretazioa

Oinarri-arau hauek interpretatzerakoan sor daitezkeen zalantzak Alkateak erabakiko ditu, bera baita deialdi hau onartzeko eskumena duen organoa, dena delako batzorde informatzaileak, hala badagokio, aldez aurretik programaren arabera txostena egin eta gero.

19. artikulua. Araudi aplikagarria

Oinarriotan xedatuta ez dagoen guztian, honako hauek aplikatuko dira: Dirulaguntzen 38/2003 Lege Orokorra, 887/2006 Errege Dekretua, Bergarako Udalaren Dirulaguntzei buruzko Ordenantza Orokorra, Bergarako Udalaren Aurrekontua Betearazteko Araua, eta gai honen inguruan indarrean dauden gainerako arauak.

20. artikulua. Oinarrien aurkako errekurtsok

Oinarri-arau hauek onartzeko akordioaren aurka, zeinak administrazio bidea amaitzen duen, berraztertze errekurtsok jarri ahal izango da nahi izanez gero, administrazioarekiko auzi-errekurtsoaren aurretik eta hilabeteko epean; edo administrazioarekiko auzi-errekurtsok jarri ahal izango da zuzenean Donostiako Administrazioarekiko Auzi Epaitegian, bi hileko epean. Aipatutako bi epeak oinarri-arau hauek deialdia Gipuzkoako Aldizkari Ofizialean argitaratu eta hurrengo egunetik hasita zenbatuko dira.

Horrek guztiak ez du esan nahi, ordea, bidezkoztat jotzen den beste edozein egintza edo errekurtsok jarri ezingo denik.

Bergara, 2025eko apirilaren 8a

Alkateak

I. ERANSKINA

AUZO-TAXI PROGRAMAN SARTZEN DIREN AUZOAK

- Angiozar
- Goiauzoa
- Basalgo
- Osintxu (diseminatua)
- Buruñao
- San Juan
- Elorregi
- Sanantonabat
- Elosua
- Aldaiegia